

GIKAPOY *ka na ba?*

**Adunay tubag sa bisan
unsay imong nasinati,
apan dunay pipila ka butang
nga imong kinahanglang mahibalo-an.**

**KUNG WALA ANG DIOS, IKAW WALAY MAHIMO
KUNG MODILI KA, ANG DIOS DILI SAD MOHIMO**

**KITANG TANAN PAREHA RA SA MGA MATA
SA DIOS. KITA GIHIGUGMA NIYA UG GIBUHAT
UBAN ANG KATUYO-AN. KITA BILILHON
SA DIOS, APAN NAGUBA ATONG KINABUHI.**

Unsay nakaguba o nakada-ot nato? Ang SALA.

Kasakitan, kagul-anan, kamatayon, kalamidad, kamatay, adiksyon, panagbulag sa magti-ayon, naguba nga mga relasyon—kining TANAN mao ang resulta o gisangpotan sa sala.

Gikan pa sa sinugdan sa panahon, ang sala mikuyanap na ug gisunod sa naha-unang kaliwatan. WALA GAYUD kitay mahimo aron mahigawas gikan sa sala.

“sanglit ang tanan nakasala man, ug nakabos o wala maka-abot sa himaya sa Dios,” **Roma 3:23**

Kung ang DIOS tinuod, nan ngano man nga wala SIYAY gihimo aron mahunong o maundang ni?

SIYA DUNAY GIHIMO. Apan, aron masabtan UNSAY gihimo sa DIOS, ikaw kinahanglang makasabot KINSA ang Dios.

Ang Dios hingpit o perfecto. Ang Dios balaan. Ang mismong kinaiyahan sa Dios dili motugot NIYA nga magpadu-ol sa sala. Busa, ang Dios dili makapadu-ol kanato. Bisan kinsa nga nakapamakak, nanikas, nangawat, nagdumot, nanglibak o nana-ot sa isig ka tawo, na-ibog, ug uban pang mga sala dili angayan nga makapadu-ol sa balaan, hingpit nga Dios.

Mao kini ang katarungan ngano nga ang Biblia misulti nga ang silot sa sala mao ang pagkahalayo gikan sa Dios, kamatayon, o bisan pa ang impierno!

“Kay ang bayad (suhol) sa sala kamatayon; apan ang gasa sa Dios mao ang kinabuhing dayon pinaagi kang Hesu-Cristo nga atong Ginoo.” **Roma 6:23.**

“Unya siya magasulti usab ngadto kanila sa walang kamot, Pahawa gikan kanako, kamong tinunglo, ngadto sa walay katapusang kalayo, gina-andam sa demonyo ug sa iyang mga anghel.” **Mateo 25:41**

“Apan ang inyong mga kasal-anan maoy nakapahamulag kaninyo ug sa inyong Dios, ug ang inyong mga sala nakapatago sa iyang nawong gikan kaninyo, aron siya dili makadungog.” **Isias 59:2**

Kung kitang tanan sad-an nan kita wala nay pagla-um, dili ba?

SAYOP. Ang Dios nahigugma nimo. Siya dili gusto nga mahimulag gikan kanimo. Mahinungdanon ka diha KANIYA. Siya nagbuhat nimo uban ang katuyo-an. Siya nahibalo nga nahimugso o natawo ka sa usa ka masal-anong kalibutan. Siya naghimo og paagi alang KANIMO aron MALUWAS.

Si **HESUS** mao ang Diosnong Anak. Siya usab hingpit ug balaan. Siya namatay sa usa ka makakalisang nga kamatayon didto sa krus bisan tuod Siya wala makasala. Siya nahimulag gikan sa Dios, Iyang Amahan. SIYA NAGHIMO NIINI ALANG KANIMO.

“Apan ang Dios nagapasundayag sa iyang kaugalingong gugma alang kanato, nga, sa mga makasasala pa kita, si Cristo namatay alang kanato.” **Roma 5:8.**

“Kay ang Dios hilabihang nahigugma sa kalibutan, sa pagkaagi nga gihatag niya ang iyang bugtong gipanganak nga Anak, aron ang bisan kinsa nga motoo kaniya dili malaglag, kondili makabaton sa walay katapusan nga kinabuhi.”

Juan 3:16

Hunahuna-a kini sama niini:

- **Ikaw nagbu-ak sa Diosnong Kasugo-an.**
- **Ang silot niini mao ang kamatayon.**
- **Si Hesus mao ang nagbayad sa silot alang kanimo.**



Busa, ang Dios nagpadayag kanimo nga INOSENTE o WALAY SALA. Ang imong mga sala Iyang gipasaylo. Ikaw makapakig-uban na sa Dios sa walay katapusan. ANG SALA dili na makabuntog kanimo.

Kung imong isugid si Hesu-Kristo nga Ginoo, ang Anak sa Dios, ug mangayo Kaniya sa pagpasaylo nimo sa imong mga sala, ang Biblia nagasulti nga ang imong listahan pagalimpyohan o pagahinlo-an.

Dili lang ang imong kasal-anan pagapasaylo-on, kundili ikaw dili na gyud mahimulag gikan sa Dios dinhi sa yuta o sa walay katapusang panahon.

Imong nasabtan, dili lang si Hesus nagbuntog sa sala didto sa krus, kundili Siya usab nagbuntog sa kamatayon. Siya nabanhaw gikan sa mga patay, sa pagpamatu-od nga Siya mao Siya sa Iyang ginasulti. Siya Ang Diosnong Anak, ang Manluluwas sa kalibutan.

“Kay Siya (ang Dios Amahan) naghimo Kaniya (si Hesus) nga sala alang kanato, Siya nga wala maka-ila og sala; aron kita mamahimong pagkamatarong sa Dios diha kaniya.” **2 Corinto 5:21**

Nganong kini mao man ang tubag sa akong problema karon?

Hinumdomi, ang tagsa-tagsa ka problema nga imong mahunahuna mao ang resulta sa sala.

Ang Biblia nagasulti nga sa diha nga ikaw mosalig kang Hesus ug motugyan sa imong kinabuhi diha Kaniya, ang imong problema sa sala masulbad.

Ang Dios misulbad sa problema, apan Siya mibilin kanimo kung motoo ka ba o dili motoo ug modawat niini. Ang Dios nagahatag kanimo sa pagbuot sa pagpili.

Ang imong mga problema sa kalit mawala ba kung ikaw maga-ampo ug mohangyo sa Dios sa pagluwas kanimo? Basin dili.

HINONO-A ANG MGA BUTANG LAHI NA UG ANG IMONG KINABUHI MABAG-O!

1. ILHA ANG IMONG PANGINAHANGLAN UG PAG-AMPO.

Pag-ampo ug hangyo-a ang Dios sa pagpasaylo kanimo sa imong mga sala. Gikan sa pagkamapasalamat niining dili katuho-an nga gasa, ikaw motalikod gikan sa imong kasal-anan.

2. DAWATA ANG IYANG GASA. Sa dihang buhaton mo kini, ang Dios nagasa-ad sa pagpadala sa Iyang Bala-ang Espiritu sa pagpuyo diha sa sulod mo. Ang Espiritu motabang nimo, mogiya o motultol nimo, ug makig-uban kanimo sa kanunay!

3. IKINABUHI ANG IMONG BAG-ONG KINABUHI. Ikaw dili na kinahanglan magakinabuhi sa kinabuhi sa imong kaugalingon.

“Ug ang kalinaw sa Dios nga lapaw pa sa tanang pagsabut magabantay sa inyong mga kasingkasing ug sa inyong mga hunahuna diha kang Cristo Hesus.”

Filipos 4:7

Bisitaha kami!

AMBASSADOR BAPTIST CHURCH

G. Sambo St., Purok 3, Lower Lamac, Oroquieta City
0908 158 3284

